

Origen di "Yotin"

Presenta pa Museo Numismatico Aruba "Cas di Placa"

ORANJESTAD (AAN)— Ta comprendible cu distancia entre Hulanda y su colonia den parti di Caribe (islanan ABC), a causa cu casi no tabata tin comunicacion entre nan dos. Esaki a causa tambe, cu riba e islanan aki tabata tin un scarcedad enorme di placa (moneda) pa por realiza comercio riba nivel pa cu e epoca eyan. Na e isla, e gran colonizador di Europa y Centroamerica a laga pa hopi epoca su rasgo y influencias pa medio di su cultura, su religion, su idioma y naturalmente, no por lubida su monedanan.

Un di esakinan tabata e unidad di 8 reales di plata, reconocí mundialmente como "Pillar Dollar" pa e motibo di e diseño representando 2 pilar (porta di Gibraltar cu ta e entrada pa e mundo nobo). "Pillar dollar" tabata un pieza aceptable den tur colonianan Spaño y cu a ser utiliza den siglonan 17 - 18 y 19 hasta ser usa te na regionnan lejano di Asia, manera China y Filipinas.

Na e colonianan Hulandes (Dutch West Indies Company) e "pillar dollar" a ser yama "Patientje" of "Pat-inco". E tabata e prome moneda cu a ser accepta na e region aki como un moneda comun y corriente. Tambe, nan tabata yama "peso di ocho" y su valor tabata igual na 48 stuiver hulandes, o sea, 6 stuiver ta hal 1 real di plata. E famoso "pillar dollar" a ser produci na diferente lugar den Continente Americano (Bolivia; Lima, Peru; Potosi, Mexico; etc.).

Naturalmente, cu pa tur sorto di comercio ta haci falta monedanan di valor halto pero tambe di valor abao. Pa e motibo ey, un variedad enorme di monedanan di koper a ser introduci na e region aki y tabata ser accepta, normalmente, entre e poblacion di e islanan y vecindario. Entre esnan mas conocí ta e skelling di Dinamarca (Danish West Indies Company), French 2 sous y hopi otro mas. Tur hunto a wordo yama "Plakkies", cu despues a bira "placa". Mayoria di e monedanan aki, tabata ser falsifica y mayoria placa di valor falso (oro of placa) tabata ser manda Europa. Pronto scarcedad

crisis di moneda a bira asina grandi cu gobernador Lauffer a ordena pa corta 7000 "pillar dollar" di 8 real di plata den 5 pida igual. Esaki ta e prome

"yotin" na aña 1798. Mester remarca cu despues di esaki, diferente "yotin" a wordo corta pero na diferente aña y bao ordo di diferente gober-

nador. Tambe, nan valor tabata ser cambia simplemente door di stempel esakinan.

Interesante ta cu hasta florin Hulandes a wordo corta den 4 pida pero no a circula.

Esaki ta un parti chikito di e storia di nos "yotin". Na Museo Numismatico bo lo por conoce mas di nos "yotin" y tambe di e gobernantenan envolvi cu a duna e ordo pa haci esaki posible.



E famoso "pillar-dollar"



Florin Hulandes
corta den cuater



"yotin" corta



"yotin" awendia

grandi di moneda di menos valor a cuminsa. Durante temporada cu Hulanda a ser ocupa pa francesnan (Bataafs Republiek), e